

Ebirimu

1. Ennhandhula	3
2. Obusenziilo bw'omulimu	4
3. Okulondoola enkola y'ebyobuwangwa okukuuma eidembe.....	9
4. Okukolagana n'abakulu mu bika.....	11
5. Ebyavaamu	13
6. Ebiivilamu abakulu mu bika	18
7. Okuwumbawumba	21



1. Ennhandhula

Ebitongole by'enkulaakulana bibili, Plan ni FIDA okuviila ilala mu mwaka 2005 baatandiika omulimu e Kamuli *'okukendeeza okudholongebwa okw'abaana, abantu b'ekitundu n'amaka gaibwe olw'okuba bagemebwaku ekilwaile kya siliimu'*. Omulimu gwise eisila ku idembe ly'abaana, abo abakaali abato, abakyala n'abaavu abagemebwaku ekilwaile kya siliimu.

Omulimu bwe gwagya mu maiso, kyaboneka nga kyetaagisa okwegendeleza n'okutwalila awalala ebyobuwangwa by'ekifo okusobola okuleetawo endhawulo. Kino kyalimu okukobya abakulu mu bika okusingila ilala abakulu b'ebika okwidha okukolela awalala n'abanoonheleza. Kino kyalaga okwenunula ku ndwooza y'amateeka gonka egiile ng'eboneka oti eliku ekikomo. Kino ela kyategeeza nti abanoonheleza baalina okukolela awalala n'ebyobuwangwa bw'ekifo mu bubu ni mu bulungi bwabwo.

Akatabo kano kalimu ennambulula y'entambula y'omulimu guno mu myaka ena egyasooka.

Mu kunoonheleza kuno mwetabamu abantu kinaana (80) abaabuuzibwa ebibuuzo nga muno n'omuli abakulu mu bika, abakulu b'ebyobuwangwa abandi, abakulu b'amadiini, abakola agy'obusa, abatyamy abandi, abakulu ba gavumenti n'abo abaalina okuganhulwa mu mulimu guno. Abakozi mu FIDA ni Plan boona omulimu guno baagwenhigilamu. Omulimu gwonagwona gwalondoolebwa n'okulabililwa ekitongole ekikola ku nkulaakulania y'ebyobuwangwa obw'endhawulo mu Uganda (*Cross-Cultural Foundation of Uganda*) abailuula ekiwandiiko n'olutambi lwa filimu olwakamalilizo.

2. Obusenziilo bw'omulimu

Ebyobuwangwa, amateeka agafuga ebyobugaiga, n'abakulu mu bika

Omulimu gwa FIDA/Plan gugema ku nsonga enkulu ey'eby'eitaka, elitela okuba n'obwene obwawalala waile nga waliwo enkola empyaka egya ng'eleetawo obwene bw'eitaka obw'omuntu omulala eyawuka ku nkola y'eila. Ebibala by'eitaka biidhie nga bigabanibwa ab'omu maka n'oluusi abantu b'oku mulinaano. Kino kyali kigobelega ennhina y'ebyobuwangwa eisibwamu ekitibwa mu Busoga.

Eisomo lino lisinga kwekubila ku bakulu mu bika, kubanga abantu bano baisibwamu inho ekitibwa ela bye basalawo bitela okutwalibwa ng'ebikulu. Okufuna obukulu mu kika olina okuba nga tosubuka busibuke mu kika ekyo aye ng'olaga empisa y'obukulu n'obuvunaanhibwa. Abakulu mu bika boona balina akakiiko kaibwe. Waile kigya nga kikyuka kibaile kizibu inho omukazi okulondebwa okuba ku kakiiko ako. Abakulu b'obukiiko buno bakiikilila ekika ku nkiiko endh'endhawulo, bakulembela emikolo gy'ebyobuwangwa egy'endhawulo ela bakuumi ba mpisa dha kika.



Mu Busoga, abakazi bazila inho bumanhilivu ku byamateeka: okumanhisibwa ku ebyalo okwali e Nawansaso mu mwaka nkumi ibili na musanvu (2007)

Abasoga batela okufuna abakazi abaswika mu mulala ela nga kino kitwalibwa okuba nti kilungi engeli emikono emingi bwe gyetaagibwa okulima. Omuwala baamufumbizanga ke muto ela abaziale be n'abaamusalilanga nga bamaze okuteesa n'oluuyi lw'omusaadha ebyalina okusasulwa.

Mu byobuwangwa, okutoolaku ebiseela bino, omukazi oba omuwala abaile taikilizibwa kuba na itaka oba kusikila byabugaiga. Kino kyakugilanga namwandu okwiza ebyobugaiga ebyo mu b'enjanda dhe kuba yali tabalibwa mu kika kya iba. Omukulu w'amaka bw'afa, ekika kilonda abasika babili: omusika ow'enkoba avunaanhibizibwa ku izaile ly'omugenzi n'owundi okusingila ilala mutabani w'omugenzi afuuka omusika w'embisialinaobuvunaanhibizibwabw'okutwalaomusaayi gw'ekika mu maiso. Omukazi mu byobuwangwa talina kuba mu bifo bino waile nga bwe twidha okubona kino kigya nga bwe kikyuka. Bwe waba wazila mwana mulenzi ow'omugenzi oyo, omulenzi owundi aweebwa obusika obwo. Bwe wabaawo obutaikaania, nailala ku bigemagana n'eitaka, omusango guweelezebwa mu kika okuwulilwa. Banamwandu ni bamulekwa boona baasikilwanga omulala ku baganda b'omugenzi oba omusaadha owundi ava mu kika ekyo nga kino kyakolebwanga okubawa amaka amayaaka, okukuuma ebyobugaiga byaibwe n'eisa lyaibwe mu nnhumba

y'ebasibukamu. Namwandu bwe yabanga nga tasikiilwa ng'ebyobuwangwa bwe bigya, yali agobwa. Enkola eno ekaaliyo mu bitundu bya Kamuli aye egiile ng'ekendeela mu kiseela Plan/FIDA ky'ebaile mu kitundu.

Amateeka kye gakoba

Abakulu b'ebika bailizibwa obuyinza bwaibwe mu lsemateeka wa 1995 waile nga tibaikilizibwa kwetaba mu byabufuzi obwekubila waile okwetaba mu nfuga ya gavumenti ey'awalala oba ey'ebitundu. Kino tikibalobela kuwuliliza na kusala misango mu bantu ela nga mu kino basobola okuyamba kooti dh'abafuzi b'ebitundu mu gavumenti okuwuliliza emisango ng'egigema ku itaka n'obufumbo.

Isemateeka ya Uganda elabilila eidembe ly'obuntu nga n'omuli ely'abakyala, abaana n'abantu abateesobola. Isemateeka yataawo enkola y'obwenkanya obutekubila ku buzaale oba bwa mukazi oba musaadha. Amateeka agalabilila abakazi n'abaana galimu eiteeka ly'obusika elilabilila eby'obusika bwa baisemwandu,

banamwandu ni bamulekwa. Abaana waile ba mu luya oba bbe, balina okugabana n'okubisibwa kyenkani ela abaana abawala n'abalenzi bombi basobola okusika bwe baba nga balondeibwa mu nnhumba eyo oba nga balondeibwa okusenziila ku kilaamo. Amateeka gaikiliza ebika by'obufumbo bina: obw'omu kooti, n'amasinzizo obukugila okufuna abakazi abaswika mu mulala; n'obufumbo obundi ng'obw'obuwangwa n'obw'Ekisilamu obwikiliza okuwasa abakazi abaswika mu mulala. E Kamuli, obufumbo obusingayo tibuli mu mateeka ela nga kino kileetawo obuzibu mu by'obusika kubanga eidembe ly'obusika lisiinziila ku bufumbo obwikilizibwa mu mateeka oba mu kilaamo.

Amateeka gano gakontana n'ebimu ku byobuwangwa ebilambikiibwa waigulu awo omuntu byainza okubona nti bibi oba bilungi. Ebyobuwangwa bisobola okuvaamu endabilila ey'awawalala ey'abaana mu byalo. Ate ku luuyi olundi byaleetawo okudobonkanya eidembe ly'abakazi n'abaana.

Abantu abatasobola kweyogelesa bukalamu n'engeli

eidembe lyaiabwe bwe lityoboolebwa

Siliimu alese bamulekwa ni banamwandu bangi nga bano n'abasinga kuba mu abo abatasobola kweyogelesa mu bifo mwe baba. Mu kifo omwakolebwa omulimu guno mwalimu okweyoleka kw'okudholongebwa kw'abantu bano kubanaga obumanhi bw'amateeka n'endhuliza byali bizilayo. Enkola y'ebyobuwangwa etumbwile inho okudholongebwa kuno ng'okusikilwa kwa bamulekwa, okufumbiza amangu abawala, okukaka omukwano ku bakazi, n'okunhaga kw'ebyobugaiga okuva ku bamulekwa ni banamwandu byaba nga bya buliidho mu bitundu. N'ekindi ku by'ebyobuwangwa kyaidha kyaba nti abaana n'abakazi bazila idobozi lisobola kweyogelesa ku nsonga edhigema ku by'obusika n'okuba n'ebyobugaiga.

Ekika n'ekitela okusookelwaku mu kugondhoola obutategeelagana. Abantu mu kika balingilila omukulu w'ekika ekyo okubawa engeli eby'omu maka, eby'obufumbo, enkuza y'abaana, obwene ku itaka,

n'ebuyosika bwe binaatambuzibwa.

Aye ensala y'embuga mu kika ni mu bakulu ba LC etela kwekubila ku byabuwangwa okusinga okulabilila eidembely'abaana n'abakazi ng'amateeka bwegalagila. Ebiidhie nga bibaawo bilaze ebyokubonelaku kamaala ebilaga obunafu bw'ensala mu mbuga dh'ebika ni mu bakulu mu LC okusobola okulondoola n'okukuuma eidembe ly'abantu abagemebwaku obulwaile bwa siliimu ng'olundi (okusingila ilala ku bigema ku itaka) emisango egigya mu mbuga edho gisalibwa mu ngeli eganhula ab'embuga edho so ti abawaabi. Okudhulila kw'abaana n'abaakazi mu mbuga edho dheene kwalemesebwa nailala bwe kiba nti abakulu mu kika basazeewo nti enkola y'ebuyuwangwa n'entuufu ela etwalibwa waigulu wa mateeka.

Omulumu gwa Plan / FIDA

Okukola ku nsonga edho, omulumu ogw'akamala emyaka etaanu, ela gwatandiika mu mwaka nkumi ibili n'etaanu (2005) mu magombolola abili ku eikumi n'omunaana agali mu Kamuli. Omulumu guno nga gufuna obuyambi okuva mu gavumenti ya Australia, eisila gusinze kulita ku nsonga dh'obulwaile bwa siliimu. Plan ni FIDA-Uganda bakolela walala ku nsonga eno. Okusingila ilala FIDA eluubilila kutumbula kitiibwa ekiweebwa amateeka g'ebuyosika bwa banamwandu ni bamulekwa n'okulongoosa engeli ye basobola okufuna obuyambi ku byamateeka.

Omulumu guno gukolebwa walala n'omukulu wa gavumentu ku disitulikiti, abalabilila ennamula n'okweidhaabulula kw'abaizi b'emisango, woofiisi dha gavumenti ku disitulikiti edhindi, poliisi, abakulu mu bika n'ekooti. Abantu abali mu kibiina kya FIDA ela beetaba mu ntegeka edh'ekika kino edhiweelezebwa ku mpewo



Omulumu gulina ekifo mu Kamuli we gubunikiza ebyamateeka mu byalo ela abakozi b'omu woofiisi dha FIDA we baweela amagezi eli abakazi okusingila ilala.

dha laadiyo baasomesa abantu, abakulu ba LC ni mu bika ku nsonga eno. Obutabo obulimu ebiwandiiko n'amawulile g'ekika kino bwakubwa mu lulimi Olusoga ela bwafulumizibwa. FIDA ela ewa obuyambi obugema ku byamateeka ng'okuwuliliza n'okulungamya enkaayana, okweyemelela abantu mu kooti, okubuulilila ku byamateeka n'okuteleka ebilaamo by'abantu.

3. Okufuna enkola y'ebuwangwa okulabilila eidembe ly'abantu

Obuzibu obusibuka mu kusinziila ku mateeka gonka

Mu kutandiika omulimu guno gwasinga kugobeleda mitendela egili mu ntegeka ya gavumenti nga muno n'omuli kooti ni woofiisi dh'entegeka dh'ebuyobulamu okugondhoola okudholongebwa kw'eidembe ly'abantu n'okutelezezaobukuubaganomubyobusika. Kimanhibwe nti enkola eno tiyasobola kutuukiliza bigendelelwa bya mulimu ogwali gukolebwa.

Ku luuyi olulala, ensala y'embuga yali elwawo okubisibwa, ng'elimu okugulilila ate nga nzibu ya kuta mu nkola. Kino kyaba nga kileetawo obukuubagano mu b'omu maka nga bw'olesebwa abadholongebwa ela ng'olundi gye biweela tiwaba walungi okugelaagelania n'entandiiko ng'omuntu asobola okulabilila bamulekwa yeena asibwa abaana balekebwa batyo. Waali ela wazila muntu avunaanhibwa kulabilila ennamula n'okweidhaabulula kw'abaiza emisango ni kooti dha LC ela ni poliisi dhaali dhivunaanibwa okulya enguzi, ekyalemesanga abantu okuweelezaayo emisango mu mikono gyaibwe. Ku luuyi olundi, okuvugania okuva mu kika n'abakulu b'ebika kwali kwa maanhi ku lw'ensonga edhiweebwa waigulu wano ng'ensala yaibwe yayongela

okukuma omulilo mu kudholonga kw'eidembe lya banamwandu ni bamulekwa.

Kino kiinhonhola lwaki mu kiseela wagati mu myaka 2005-2006 emisango nsanvu na itaanu ku kikumi (75%) egyafunibwa ekibiina ekiwa obuyambi ku mateeka gyali gigwile obukyayi bw'omu maka n'okwenda okwesasuza.

Okusalawo okukolagana n'abakulu mu bika

Abakozi ba FIDA baakizuula nti enkolagana n'abakulu mu bika n'eyali engeli yonka esobola okukozesebwa okufuna ebulubulilwa by'omulimu. Mu lukiiko olwayetebwa mu mwaka nkumi ibili na mukaaga (2006), abakulu mu bika baayandhula ebizibu bye baalina mu kulamula emisango olw'obumanhi bw'amateeka obutono. Boona baali tibategeela bulungi lwaki abalina obukuubagano bwe baagyanga mu FIDA ensonga dhagondoolebwanga bundi okuva ku ngeli egobeledwa mu byobuwangwa okusingila ilala ng'abakazi okusikila ebyobugaiga. Eyo n'ensonga lwaki baasaba okuweebwa okutendekebwa ku nsonga dh'ebyamateeka.

Ekibiina eky'akola omulimu kyalawo okugaita abakulu mu bika mu kumanhisibwa ku byamateeka mu

nsala y'ebuyobusika n'enkaayana ku itaka, obutaikaania mu byobufumbo n'ebuyokulung'anyama amaka. Waaliwo ebiganhulwa kamaala mu kukolagana okugaitania enkola dh'ebuyobuwangwa n'ebyamateeka okusobola okufuna enkola eikiliziganibwaku endhuyi dhombi. Abakulu mu bika baasobola okuleeta obumanhi bwaibwe obw'amateeka agafuga ebyobuwangwa n'emilimu gyaibwe ku baana nailala bamulekwa n'okuleeta ensala yaibwe ku bifuga enkola y'okuwasa abakazi abaswika mu mulala nga baleeta engabana y'eitaka mu maka gatyo abaana mwebasobolela okuganhulwa nga babita mu maama waibwe byagabana. Omulimu

ela gwasuubila okuganhulwa mu kitiibwa ekiweebwa abakulu mu bika n'ebuyobuwangwa engeli ensala yaibwe yeetela okwikilizibwa ate yateebwa mu nkola. Kino ela kyasuubilwa okwongela okubaamu ebiganhulo kubanga abakulu b'ebika bano baba mu bitundu abantu abo mwe basibuka ela batela okumanha ebyafaayo by'ensonga dh'obwene bw'ebuyobugaiga n'engeli amaka gye gabailemu ela nga kino kibasobozesa okulambulula ensonga dh'obutaikaania mu bwangu. Eby'endhikiliza byaibwe byona bya mugaso: engeli bakatonda baibwe ye baba nga bali kubalondoola, abawaaba emisango batya okulimba akakiiko k'ekika.

4. Okukolela awala n’abakulu mu bika

Okutendekebwa

Abantu b’omu kitundu abatakolela musaala, abakulu ba LC n’omukulu w’ekika mu kitundu (omukunjaania) baayamba okulonda abakulu mu bika abagya okutendekebwa. Baalina okuba nga ba kitiibwa mu bifo ye baba, baba mu kitundu omwo mwene ela nga beetegefu okukolela obusa. Entegeka yali ya kusomesa abakulu lukaaga n’asatu (630 nga bali mu kigelo kya bakulu basatu okuva mu buli kika, isentebe, omumyuka ni kalaani).

Okutendekebwa kuno kwatandiika mu mwaka nkumi ibili na mukaaga (2006). Abakulu bano baatendekebwa mu mateeka agagema ku by’eidembe n’ebyobuwangwa; amateeka g’ebyensikilano, ebyobufumbo, okwawukana mu bufumbo, okuwandiika n’okugema ebilaamo, n’amateega agafuga abaana. Waaliwo okwigumiza obutasosola mu bakazi, baana na bantu abalina obulwaile bwa siliimu. Amasomo agandi mwalimu okulunjamya ensonga mu bataikaania n’okufuna obukugu mu kugaitania abantu abo. Okutendekebwa ku ntongoza y’obufumbo yoona yali nsonga nkulu kisobole okukendeeza ku bukuubagano obubalukawo

mu byobusika. Okutendekebwa kuno kw’akakolebwa mu bitundu bibili buli mwaka, mu biseela ebindi nga kukulembelwa abakulu mu bika abatendekebwa okwinnhohola eidembe ly’obuntu mu bigambo ebyangu. Mu Gwomukaaga omwaka nkumi ibili na munaana (2008), abakulu mu bika bibili na ikumi (210) baali baweile okutendekebwa. Okutuusa leelo bakazi bana bonka n’abaakeetaba mu musomo guno.

Abakugu mu byobuwangwa

Waliwo ekiseela mu kugondhoola obukuubagano ng’omuntu aidhi entambula y’emilonso gy’ekitundu obutaikaania mwe busibuka yeetagisa. Noolwekyo FIDA yasalawo okukolela awalala n’abakulu mu bika abatendekebwa nga n’abeebuuzibwaku okulamula n’okuteleeza obutaikaania obubalukawo, okulondoola ensala edhisaliibwawo n’okumanhisa abantu enkola eno mu masomo agategekebwa. Kino kyongela okutumbula ekitiibwa n’obwesigwa bwaibwe mu bantu b’ebitundu mwe baba nga basobola bulungi okubainnhohola ebyobuwangwa n’emilonso, ebyobusika, obutaikaania mu maka n’ebizibu ebindi ebiyinzza okubalukawo mu bifo ye baba.



Abakulu mu bika babayambye okukolela awalala ni poliisi, n'abawuliliza emisango n'okweidhaabuluza, n'abakulu mu LC. Noolwekyo ensonga dh'ebyobusika bwe dhandhulwa mu woofiisi ya FIDA, dhitela okuweelelzebwa eli abakulu mu bika. Abakulu mu bika bano baakubilizibwa okuwa FIDA ekiwandiiko ku nsonga edho ekinhohohola nga bwe dhilamwilwa. Abakulu mu LC boona bakubilizibwa okweta abakulu

mu bika abatendekebwa okubawa amagezi mu nnamula y'emisango egiba mu mbuga dhaibwe.

Okukendeeza eibbanga elili wagati w'ebitundu n'abakulu mu bika

Mu biseela byeila, waaliwo enkolagana ntono wagati w'abakulu b'ebika n'abantu b'ebitundu okusingila ilala ku bigema ku bakazi n'abaana. FIDA yatumbula enkolagana enong'eisilaeliisakumulimugy'obukulembezebwa w'abakulu mu bika mu kutendekebwa nga n'okwali n'okusomesa okutema empenda edhisobola okubitibwamu okugumya enkolagana yaibwe n'abatyanye ng'abakozi baibwe (bona: akabbookisi akasooka)

Eibbanga elyali wagati w'abanti n'abakulu mu bika ela lyayongela okukendeezebwa ng'abantu b'omu kitundu n'abakulu mu LC boona batendekekebwa ku byamateeka. Mu ngeli eno abantu baali basobola okugobelela ennebisa dh'abakulu mu bika ku nnamula ela nga basobola n'okubona oba ensala ebailemu ekyekubiila kubanga abantu boona amateeka baali buti bagaidhi.

5. Ebyavaamu

Olw'okweyongela obumanhi n'obukugu bw'amateeka, abakulu mu bika bagiile nga baba ba mugaso mu kugondhoola obutaikaania mu bantu nga bagiila ku mateeka. Abaana n'abakazi baganhwilwa mu nkola eno mu ngeli edh'endhawulo (bona ni: akabookisi ak'okubili).

Bbookisi esooka: Okutendeka n'okulabilila abantu

- *“Abakulembeze mu bika baatwalibwa okuba nti baatendekebwa mu mateeka g'ebiseela ebiliwo buti. Nga bakaali kwetaba mu kutendekwa okwo twali tubawa ekitiibwa kyaibwe aye nga tubatya. Baali bakambwe nga batusosola ife abalina siliimu aye bwe baatendekebwa bavaamu nga bantu beetoowaze, buti batubonamu omugaso...”* Nabirye, omulala kubaaganhulwa mu mulimo guno, Buzibirira, Buwanume, e Kitayundhwa.
- *“Ng'abakulu mu bika bakaali kutendekebwa baali batukaabukila ife abakolela obusa mu bitundu ela nga tibatubalamu kantu waile okwidha mu nkiiko dhe twayetanga. Aye bwe baamala okutendekebwa baakyuka inho. Balwanilila obwenkanya bwa buli muntu, batuyamba okugondhoola obutaikaania, bakunga abantu okwidha mu nkiiko edhisomesa ku byamateeka ela bangu ba kutuukilila”.* Paulo Tenhwa, omukozi w'obusa e Kananage, Nankulyaku.

Obukulembeze bw'ebika obw'obwenkanya

Okusookela ilala engeli abakulu mu bika ye baatendekebwa, bagiile nga bagondhoola ebyensikilano. Ensala yaiabwe etumbwile obwenkanya n'okweiza obuyaaka mu maka ni mu bitundu. Okutendekebwa kwona kubayambye okwekubiliza okuweeleza n'obwesimbu ela n'amazima. Ebiwandiiko ebili mu itelekelo ly'ebyamateeka bilaga nti emiwendo gy'emisango gy'okutyoboola eidembe ly'abantu okuba mu bakulu mu bika gigiile nga gikendeelela ilala ela emisango egindi gisalibwa mu bwangu inho. Abakulu mu bika abaabuuzibwa ku mulimo guno baalaga nti buti balinawo enkyukakyuka mu kuwa bakazi baibwe ebitiibwa ekibasaaniile ela boona baali kyakubonelaku mu bifo ye baba.

Enneyunila ennhangu ku byamateeka mu bitundu

Ekyokubili oluvainhuma lw'okutendekebwa, wabailewo enkolagana n'empuliziganhia ennungi mu bika by'abantu boonaboona abagemebwaku ensonga dh'ebyamateeka g'eby'ebyensikilano. Abantu mu kitundu omulimo ye gwakolebwa baizeemu amaanhi baatandiika okwikililiza mu bakulembeze baibwe ela

Bbookisi ey’okubili: Abaana baife bazaaliibwa mu biseela ebilungi

- *“Neewuunia inho mu kuziika mwanhinhaze nti abakulu mu kika baagabania ebintu bye eli abasika. Abakulu baife mu bika babaile bamanhiibwa okunhaga ebintu ni mu kuziika bbaabba waife baatwala eitaka lyaiife lyonalyona. Kilungi nti baatendekebwa mu mateeka g’ebiseela bino ela kyaboneka nti buti abakulu abo bali kukuuma abantu be bakulembela so ti kukungula mu bye bataasiga. Buti basobola n’okuwa omuwala eitaka. Oh! abaana baife bazaaliibwa mu biseela bilungi”.* Nabwami Jalia, wa myaka kinaana n’omusoby (80+), Buterimire Namisambya 1, eigombolola ly’e Kitayundwa.
- *“Abdulla Bazira bwe yafa, abalina okugabana ku byobugaiga bwe boonaboona baafuna ekigelo kyaibwe ate nga yafa ng’azila baana balenzi. Ku lumbe lwe, abakulu mu kika baagabania ebintu bye eli namwandu ni bawala be abasatu, era baatawo ensawo y’omutemwa ogunaasomesanga abaana ela baasalawo nti namwandu asigale mu maka gaiba ni ku itaka”.* Jolly Nangobi, Bwooko – e Nabirumba.

n’okubeebuzaaku ngeli ye baboine nga balamula ensonga edhigiile nga dhibaawo. Abakazi n’abawala batandiise okusikila ebyobugaiga, namwandu asobola okuloba okumusikila ate ela yaasigaza obwene ku byobugaiga bya iba.

Poliisi yona ewandiisa emisango mitono ku bigema ku kukumpania ebyobugaiga mu kifo ekyakolebwamu omulimu guno okugelaagelania n’ebifo ebindi mu disitulikiti eyo yeene. Okuba n’abakulu mu bika, abantu ba buliidho n’abakulu mu LC nga batendeke kileeseewo obulabufu ku ntegeela y’ebyeidembe ly’abantu. Ebiva mu kukebela enkola eli mu bitundu ebyatendekebwa bilaga nti okudholongebwa kuli kugya nga kukolebwaku abakulu b’ebika mu bifo weene awo.

Emisango egidhulizibwa n’okutabagania

Ekyokusatu, okukozesa engeli edhindi edh’okugondhoola obutaikaania (Alternative Dispute

Bbookisi ey’okusatu: Abakulu mu bika okugondoola obutaikaania

- *“Ebika byaife basobolile okukola ku butaikaania obwidhie nga bubaawo okuva lwe baatendekebwa mu byamateeka. Baluubilila okugaitania abantu n’okugondhoola ensonga dhaibwe nga wazila nkaayana. Bakuuma eidembe layife. Beeze okwikiliza ekilwaile kya Siliimu n’okulwanilila eidembe ly’abo obulwaile obwo bwe bugemaku”.* Ananias Kabi, Nabirumba, Bwooko.

Resolution ADR) nga n'omuli nkola y'okuteesa, okwogelagania n'okutabagania obuyaaka bigiile nga bifuuka ebya buliidho. Nsavu ku kikumi (70%) ku misango egiwaabibwa mu FIDA e Kamuli buti gilamalwa nga basinziila ku nkola eno. Abakulu mu bika tibafuuse abeebuuzibwaku ku nsonga dh'obunhazi bw'ebuyogaiga kyonka aye ela beeyunilwa mu kufuna ennamula y'emisango gy'obutaikaania obw'endhawulo baaba nga basoboile okwizaawo enkolagana ennungi n'abantu be bakukila. (bona: akabbookisi ok'okusatu).

Abakulu mu bika ela bakoze kinene okukendeeza emilimu ku woofisi y'ekitongole ekikulila omulimu guno ela baayamba n'okulamula ensonga dhoonadhoona mu byalo n'obwangu. Kino kiyambye okuteleeza enkola y'okudhulizibwa wagati wa woofiisi dh'abakulu mu bika, poliisi, FIDA/Plan n'abakulu mu distitulikiti. Emisango gigiile nga gyepongela okudhulizibwa eli abakulu mu bika kubanga obwesigwa obuzimbiibwa mu busobozi bwaibwe obw'okukola emilimu gino bwetongoile.

Okusoomoozebwa: Okukontana okuliwo wagati w'ebuyobuwangwa n'ebyamateeka

Enkolagana n'abakulu mu bika eidhie n'okusoomoozebwa. Isemateeka wa Uganda ekoba nti



Abakulu mu bika abatendeke nga bagondhoola obutaikaania ku okusikilwa kwa namwandu nga babita mu kuteesa e Nankulwavu mu mwaka nkumi ibili na munaana (2008).

ebuyobuwangwa bwe biba tibatengeleile kwemalilila okutuukana n'amateeka bwe gakoba, amateeka gaidha kutwalibwa ng'ekyokusalawo ekikulu. Kino kyaba nga kyetaagisa enkyunka mu ndowooza y'abakulu mu bika



Abakulu mu bika nga bagezaaku okwizaawo enkolagana mu bantu oluvainhuma lw'okuba n'enkaayana ku itaka e Busota mu mwaka nkumi ibili na musanvu (2007).

yoona ekaali enzibu okutuukaku.

Ku bakulembeze abandi, ebyobuwangwa bilina okusigala nga n'ebilimu ensalo ey'enkomeleile ku bintu

byonabyona nga amateeka gataaguula butaaguule tigazimba bantu na milonso gyaibwe. Okugeza bwe wabulawo amateeka g'okuboneleza ensobi mu baana baba bazibu ba kugundhula. Ekifaananaku oti n'ekyo abakulu mu bika abatatendekeibwa bazibuwalilwa okutegeela lwaki omwana omuwala alina okuweebwa omugabo ku bintu bya bbaabba we ate nga ali kugya kufumbilwa atwale obugaiga obwo mu baana be abali mu kika ekindi. Waliwo n'obukuubagano mu byobuwangwa n'ebyamateeka nga namwandu asikiilwa atabaile mutongoze mu bufumbo obwo yeena atwalibwa ng'okyaala omukukuutivu mu maka g'omugenzi.

FIDA ekoze ku nsonga oti ni dhino ng'ewa okutendekebwa n'emisomo egy'okweiza obuyaaka mu ndwoowa eno. Etaile eisila ku kumanhisa abakulembeze abakaile ku migaso gy'enkola etambulila ku idembe ly'obuntu. Ebyokubonelaku biyambye emilundi egindi ng'okugeza okufa kw'omusaadha abaile n'obulwaile bwa siliimu, namwandu n'abaana baasikilwa muganda w'omugenzi nga kino kisinziilwaku okulaga obubi obuli mu byensikilano ebyobuwangwa. Okukozesa ebyokubonelaku ng'ebyo kuyambye okwoleka obulabe obuli mu kusikila banamwandu ela

kyayamba n'abakulu mu bika okukyusa mu ndoowooza dhaibwe ku byobuwangwa.

Okusoomoozebwa okundi

Wabailewo okusoomoozebwa okundi ela nga abakulu mu bika tibatela kuwaayo inho mwoyo ku bavubuka. N'ekyokubili empisa y'obuwangwa elagila nti wazila mukazi asobola kutyama ku ntebe ya bukulembeze mu kika kuba abakulembeze mu bika boonaboona balina kuba basaadha. Aye wagiile nga waidhawo obubonelo obulaga nti ekyukakyuka mu mbona y'abakazi ku

bukulembeze bw'ebika n'okusikila babbaabba baibwe (n'oluusi okulondebwa okutyama ku nkiiko dh'ebika).

Obwavu bwona budaaza abakulu mu bika kubanga bendayo ku byenfuna okubasobozesa okutuuka mu bifo obukuubagano we buli n'oluusi okugya mu kooti. Batela okuba nga bazila bikozezebwa mu bika ebindi nga tibaasoma kale ng'n'engeli y'okutelekamu n'okugema ebiwandiiiko oba okufuna amawulile amyaaka ku nsonga edhibagemaku kubazibuwalila.

6. Ebiviilamu abakulu mu bika

Ekitiibwa

Enkolagana y'abakulu mu bika ni woofiisi dh'omulimu guno etumbwile ekitiibwa kyaibwe oba eyongele kubatyankilila na kubaweebuula. Okutendekebwa kwaibwe kubongeile ekitiibwa oba baaboneka oti beekubiile ku ntendeka y'ebiseela ebiyaaka? Bino n'ebibuuzo ebikulu kubanga ebivaamu biliku kinene kye bikola okukosa oba okutumbula enkola y'ebyobuwangwa olubeelela.

Abakulu mu bika bagiile ke babona ekitibwa kyaibwe nga kyeyongela okusingilala ilala engeli gye beebuuzibwaku ku byamateeka nga aba FIDA n'abakulu ku disitulikiti bwe baakolagana nabo okusinga bwe kyali einhuma. Abantu mu bitundu abakolela obusa n'abakulu mu LC boona babalingilila nga bwe bakozesa obukugu bwaibwe buli lunaku okugondhoola obutaikaania. (bona akabookisi ak'okuna). Enkola y'okumanhisa ekitundu bwe yataandiikila, abasaadha abaali baidhumbila omusomo guno baali batono. Okuleeta abakulu mu bika bano ku meeza endala kileeseewo enkyukakyuka kubanga abakulu abo bakubiliza abasaadha okwidha. Ate nga bwe kili nti abakulu mu bika bano n'abatendesi

Bbookisi ey'okuna: Abakulu mu bika n'obwogelelo bwaibwe

- *“Okutendekebwa kunnhambye okunnhendesa amateeka obulungi. Nailayo eka naatendeka ab'ekika kyange, abakazi, abavubuka n'abaana ku by'eidembe ly'abantu abalina oba abagemebwaku obulwaile bwa siliimu n'engeli ennungi esinga kusobola kubakuuma. Nabasomesa n'engeli y'okugondhoolamu obutaikaania n'ebilungi ebili mu kwizaawo enkolagana ennungi oluvainhuma lw'obutaikaania.”* Lawrence Nadiope Isabirye, omukiise ku kakiiko ke kika kya Balangira.
- *“Nkulila ekika kya Baisekaima. Bwe nali ngya eka nayagaana abaana babili nga balila. Bankoba nti abaana abandi babalobeile okuzaanha nabo kubanga batya okufuna siliimu. Bankoba nti maama waibwe mulwaile inho ela bbaabba waibwe yafa siliimu. Kyannakuwaza inho naagya nabo eli abaana abandi be baali benda okuzaanha nabo n'abasomesa ku ngeli sillimu yabitamu okugema abantu. Nayeta n'olukiiko lw'ekika n'abakobela ku nsonga ye nayagaana. Abaana bano baali baana baife ela baali baana ba Mugenzi Musisi mutabani waije. Twasalwo okutegeka eisomo okwegelesa abaana ku bulwaile bwa siliimu”.*

buti baiziiza mu bantu baibwe amaanhi okuwa abakulu mu bika ebiteebwa nga bwe kyali okuva eila.

Abakulu mu bika bagiile nga bakyuka n'ebiseela ela baaba nti buti ba mugaso mu bitundu mwe bali

Abakulu mu bika ennaku dhino beeyagaana mu masanganzila baalemelelwa okusalawo engila entuufu ey'okugobeela. Abandi bwe bamala okutendekebwa beebona nga n'abalina bonka obuvunaanhibwa obw'okugaitania olugelelolw'ebyobuwangwa n'okutamu nkola amateeka g'ensi. Okutendekebwa kubawaniike ku idaala kwebasobola okwogelaganiza ni poliisi, abawuliliza emisango n'okwidhaabulula, n'abakulu mu byobufuzi. Abakulu mu bika abandi noolwekyo buti basoboile okuba nti batyama baayala mu bifo byaibwe



Okufuna obuvumu: Abakulu mu bika nga bogela mu kutendekebwa mu kibuga ky'e Kamuli.

eby'obuvunaanhibwa (bona kabbookisi ak'okutaanu). Kino ela kiyamba mu kulondoola ebiva mu mulimu guno mu bitundu ebisinzilwamu.

Ebyamateekan'ebiyobuwangwa: ebiikiliganizibwaku abakulu mu bika

Oluvainhuma lw'okutendekebwa, abakulu mu bika boona babaile balina okukyuka okuguilana n'endowooza n'ebikolwa bye bagiile ke babitamu.

Okugeza, ebyobuwangwa bisala nti omwana omuwala taikilizibwa kusikila lata we. Kino kitandiise okukyuka ela ng'abawala buti basobola okusika waile ng'ekigelo ky'obusika bwaibwe kikaali kitono okugelaagelania n'eky'abalenzi. Waliwo n'ebiyokubonelaku kamaala abawala mwe balondeibwa nga abasika ku byobugaiga bya balata baibwe. N'ekindi okuwandiisa okuzaalibwa n'okufa kw'abakazi n'abaana abawala buti **kuboneka** inho okusinga ebiseela by'einhuma. Ebindi ku biidhie nga bibaawo oti ni bino waigulu byaleetebwawo bakulu mu bika. (bona akabbookisi k'omukaaga).

Bbookisi ey'okutaanu: Obumanhi bw'abakulu mu bika bukula

- *“Buti nsobola okukyalila poliisi n'abakola ku kweidhaabuluza kw'abaizi b'ebizango okubeebuzaaku mu biseela abantu bange bye baba mu buzibu. Lule nga tukaali kutendekebwa nali ntya woofiisi edho”.* Aspasa Kibikyo, Omukulu mu kika.
- *“Oluvainhuma lw'okutendekebwa twataawo ekibiina eky'ebyenkulaakulana. Tukolela walala ng'ekitole. Twataawo ensawo abalina obuzibu mwebasobola okwewola. Nalondebwa nga isentebe w'ekibiina ekyo”.* Bamwite Muzaale, omukulu mu kika.

7. Okuwumbawumba

Ebyobuwangwa, ebyomwenkanonkano, eby'ebiseela bya leelo

Engeli edhindi ku milonso gya Busoga bwe gityoboola ebyomwenkanonkano nga abakazi bwe batasomesebwa, n'obutafuna bwene ku byabugaiga tusobola okubuuza nti ki ekilungi enkola y'ebyobuwangwa kyesobola okugundhawo okukola ku nsonga oti n'edho. Eky'okwilamu kili nti ebyobuwangwa bisobola okukyusibwa okugiila ku byetaago by'ebiseela ebiliwo. Okugeza engeli ye tuli mu kiseela ky'obulwaile bwa siliimu, okusikila banamwandu (nailala mu byokwegaita) kulina okusaanawo kubanga kileetawo obulabe ku bulamu bw'abo abakikola. Abakazi boona beeze mu kusomesebwa okuba n'obuvumu n'okwesalilalawo gwe benda okufumbilwa. Omulimu gwa FIDA / Plan gulaga nti okugaitania ebyobuwangwa mu bintu eby'enkulaakulana kitumbula omwenkanonkano. Ebyobuwangwa tibisaaniile kuba nti bikontana n'ebiseela ebiliwo nailala singa abantu ku ndhuyi dhombi basobola okwidha awalala baateesa ela baikaania. Okwogelagania kuno kusobola okuvaamu ebintu ng'abawala okulondebwa ku busika n'okusobola

Bbookisi ey'omukaaga: Okutaawo omutendela gw'entegeelagana

- *“Okusinzila ku byobuwangwa bwa Busoga, abawala tibasikilanga oba kuba na bwene ku itaka. Banamwandu ni bamulekwa baasikilwanga. Enkyukakyuka edhiidhiewo wagati w'ebyamateeka n'ebyobuwangwa dhigiile nga dhikyusa enkola eno. Abawala buti basobola okusikila oba okufuna obwene bw'itaka. Bwe liba itaka lya kika, baweebwa ekitundu ku kiweebwa abalenzi oba baweebwaku ekitundu ekitonotono aye nga baikaania nti tibateekwa kulitunda. Banamwandu ni bamulekwa basigala mu nnhumba y'omugenzi ela baafuna n'omugabo ku byobugaiga bye. Namwandu asobola okwilamu okufumbilwa nga bw'ayenda me omusika w'embisi yaasikila okutwala omusaayi gw'omugenzi mu maiso aye afuna omugabo nga baine abandi ela tatwala maka ga mugenzi ng'ebyobuwangwa bwe bibaile bikoba”. Mwami Aspasa omukulu w'ekika mu kyalo ky'e Kananage.*
- *“Mu biseela by'eila, ebika tityawandiisanga bakazi bafiile kubanga tibaatwalibwa nga ng'abasobola okuba n'ebyobugaiga nga bazila kye basobola kulaamila bantu baibwe. Aye ebiseela bino, abakazi balina obwene ku byobugaiga ela bafuuniuku omutendela mu byobuwangwa oguwanililwa ku gw'abasaadha mu mateeka. Noolwekyo tuwagila okuwandiisa okufa kw'abakazi kwona”. Joel Kabi, omukulu mu kika e Bwooko, Nabirumba.*

okusikila ebyobugaiga by'abazaile baibwe nga buli omu akiikilizaaku.

Ebiidhie nga bibaawo ela bilaze nti enkola y'ebuyobuwangwa esobola okugumya omwenkanonkano kubanga abasaadha n'obweyobuwanga bilwanilila eidembe ly'abakazi n'abaana. Olw'okutendekebwa n'okwolekebwa ku ngeli dh'ensi edh'endhawulo, buti tusobola okubona nti abakulu mu bika bategeela obukulu bw'obusika n'obukulembeze bw'abakazi. Nga bwe bongela okulwanilila eidembe ly'abakazi tusuubila nti abakulembeze mu bika baidha kusikiliza abakazi bangi okubawa ebifo mu bukulembeze bwa LC. Mu Kamuli, omuntu ayinza okubona abakulu mu

bika abasoboile okufuna obuganzi eli abakyala yaakola okugezaaku okutuukiliza yeena okufuuka omumanhe mu by'okulwanilila eidembe mu kitundu y'asibuka.

Ebyobuwangwa n'eidembe bisobola okutambulila awalala

Okusobola okukuuma obulungi eidembe ly'obuntu, ebyobuwangwa biteekwa okukozesebwa okugya mu okusenziila ku mpisa dh'ekitundu kisobozese ebyobuwangwa okutwalibwa mu maiso n'okugobelelwa. Enkola y'ebuyobuwangwa ekulembela endowooza y'enkulaakulana etumbula okwenhumiliza mu byobuwangwa n'ebilungi ebilimu. Okutaba abakulu mu bika mu kutuukiliza emilimu gya FIDA / Plan

Bbookisi ey'omusanvu: Eby'okwega ebiviile mu mulimu guno

- **Okutegeela obukulu obuli mu byobuwabgwa:** Plan ni FIDA baboine ng'okukolela awalala n'abakulu mu bika kiyambye inho okutambuza omulimu guno okugutuusa ku buwanguzi. Kino kyasoboka okusookela ilala kubanga abakulu bano baataayo omwoyo okwega n'okutegeela ebyobuwangwa by'ebitundu. Emitendela egizibilwaku ebyobuwangwa mikulu inho mu kusobola okukuuma enkolagana entebenkevu mu kitundu ela nga kyalisaine omuntu yaamanha emitendela gino n'engeli ye gitwalibwamu.
- **Okukola entegeka y'okutumbula emitendela egikulaakulania ekitundu.** Okukulaakulania emitendela egizimba ekintu ng'okusomesa kuyambye inho okukuuma eidembe ly'abantu abagemebwaku obulwaile bwa siliimu. Kilaze nga bwe kyetaagisa okuzimbila ku bumanhi n'obugaiga bw'ebyobuwangwa okusobola okukola ku byetaago by'abaana n'amaka mu kitundu. Abakulu mu bika bakoze omulimu gwa maanhi mu kino.
- **Okukolela awalala n'abakulu mu bika.** E Kamulu Plan ni FIDA baayagaana abantu abaali batwala ebyobuwangwa

bwaibwe ku mutima. Bwe baayungibwa ku mulimu guno ela beetabamu, okutuukiliza ebiluubilila by'omulimu kwayanguyizibwa kubanga baalina obagobezezi abaali babawa ekitiibwa baabaikililizaamu ela obuwigizi bwaibwe buno bwayamba okwikilizisa ebitundu byaibwe okugiila ku biseela ebiliwo. Awalala n'okutendekebwa abakulu mu bika bano baafuulibwa abakulembeze abagiila ku milembe gya leelo nga baidhi ebikontana n'ebyamateeka.

- **Enkola edh'omugaite dhikola.** Okugya mu mbuga tikitela kuba ngeli esingayo mu kugondoola obutaikaania nga kigelaagelanizibwa n'okuteesaganania n'okweiza obuyaaka oluvainhuma lw'okugondhoola obuzibu obubalewo. Abakulu mu bika beetabye mu kukubiliza kw'enkola eno n'okubuililila abantu.
- **Okukolagana n'okuwa obuyambi obw'olubelela kintu kikulu.** Okulondoola emilimu gy'abakulu mu bika n'abantu be balungama mu bintu ye baba kyona kikuku. Abakulu mu bika bano bafuuse enhingo enkulu mu mulimu guno e Kamuli ela kino kiyambye ebitongole ebindi okubadhuliza okufuna obuyambi ku kugondhoola ensonga edhigema ku byobusika.

kibayambye okwikiliza n'okwenda ebibala ebiviilemu. Noolwekyo eidembe ly'obuntu mu biseela bya leelo lisobola okwikilizibwa n'okugobelwa nga kikozeibwa okuleetawo enkyukakyuka edhisaaniile mu ndowooza y'ekinawaila. Nga Nabirye omulala ku baganhwile mu

mulimu guno e Kitayundhwa bwawumbawumba, "buti batubonamu omugaso ela bakola omulimu mulungi okukuuma eidembe lyaife". Okugaitania ebyamateeka by'ebiseela ebiliwo n'ebyeila n'empisa y'ekinawaila bizaile abakulu mu bika abafumu mu bitundu ye baba.



Abakulu mu bika abatendeke nga bakubagania e bilowoozo mu musango gw'ebyobusika (ku mukono omugoodha) ela baagondhoola obutaikaania ku itaka (ku mukono omusaadha) e Busota mu mwaka nkumi ibili na musanvu (2007).

Okwebaza

Kino ekiwandiiko n'ekilimu ebyafulumizibwa Cross-Cultural Foundation of Uganda mu bufunze. Eigyeyi FIDA ni Plan e Kamuli n'e Kampala mwebazibwa inho olw'obunhinhiintivu bw'obulimu gwe mwakola mu kunoonheleza ni mu kiseela ky'okuwandiika. Omusomo guno ela guliku n'entambi edhili ku DVD edhisobola okufunibwa okuva ku woofisi dhaibwe edhili ku Plan, FIDA oba CCFU.